

ხელშეკრულების პროექტი საქონლის სახელმწიფო შესყიდვის შესახებ,
ელექტრონული ტენდერი აუქციონის გარეშე: № NAT _____

პროგრამული კოდი:

(წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება აუქციონის გარეშე ელექტრონული ტენდერის ჩატარების შედეგად ტენდერში გამარჯვებულ კომპანიასთან. ხელშეკრულების პროექტის პირობები დაზუსტდება გამარჯვებული პრეტენდენტის წინადადების შესაბამისად)

1. ხელშეკრულების დამდები მხარეები

ერთი მხრივ, სსიპ – „ჯანმრთელობის ეროვნული სააგენტო“ (შემდგომში შემსყიდველი), წარმოდგენილი დირექტორის -----სახით, მის: ქ. თბილისი, ა. წერეთლის გამზ. N144, ს/კ №200294519; სახელმწიფო ხაზინა, კოდი №TRESGE22, ანგარიში/სახაზინო GE24NB0330100200165022

და მეორე მხრივ, -

2. ხელშეკრულების საგანი

2.1. შემსყიდველმა სახელმწიფო ბიუჯეტით დამტკიცებული ასიგნებების ფარგლებში, მრავალწლიანი სახელმწიფო შესყიდვის მიზნით გამოაცხადა აუქციონის გარეშე ელექტრონული ტენდერი (NAT-----) და მიმწოდებელმა აიღო ვალდებულება, მიაწოდოს შემსყიდველს -----, შემდგომში, წოდებული როგორც საქონელი, წინამდებარე ხელშეკრულებისა და მისი N1 დანართით გათვალისწინებული პირობების/ფასების ცხრილის შესაბამისად;

2.2. ინფორმაცია საქონლის დასახელების, საერთო რაოდენობის, წარმოშობის ქვეყნის, მწარმოებელი კომპანიის, სავაჭრო ბრენდული დასახელების, მახასიათებლების, ერთეულის და ჯამური ღირებულების შესახებ მოცემულია N1 დანართში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

3.1. ხელშეკრულების საერთო ღირებულება განსაზღვრულია წინამდებარე ხელშეკრულების N1 დანართის, ფასების ცხრილის შესაბამისად და შეადგენს ----- ლარს;

3.1.1. 2024 წლის სახელმწიფო ბიუჯეტით დამტკიცებული ასიგნებების ფარგლებში - -----ლარი.

3.1.2. 2025 წლის სახელმწიფო ბიუჯეტით დამტკიცებული ასიგნებების ფარგლებში - -----ლარი.

ხელშეკრულების საერთო ღირებულება მოიცავს საქართველოს მოქმედი კანონმდებლობით დადგენილ ყველა გადასახადს და საქონლის მიწოდებასთან დაკავშირებულ მიმწოდებლის მიერ გასაწევ ხარჯ(ებ)ს.

4. ანგარიშსწორება

4.1. ანგარიშსწორება მიმწოდებელთან განხორციელდება უნაღდო ფორმით, ეროვნულ ვალუტაში, ფაქტობრივად მიწოდებული საქონლის ღირებულების შესაბამისად;

4.2. ანგარიშსწორება განხორციელდება მიმწოდებლის საბანკო რეკვიზიტებზე;

4.2.1. -----ანგარიშსწორება განხორციელდება 2024 წლის სახელმწიფო ბიუჯეტით დამტკიცებული ასიგნებების ფარგლებში, მხარეთა შორის მიღება-ჩაბარების აქტის გაფორმებიდან და „მიმწოდებლის“ მიერ კანონმდებლობით განსაზღვრული დოკუმენტის წარმოდგენიდან არაუგვიანეს 10 (ათი) სამუშაო დღის განმავლობაში.

4.2.2. -----ანგარიშსწორება განხორციელდება 2025 წლის სახელმწიფო ბიუჯეტით დამტკიცებული ასიგნებების ფარგლებში, მხარეთა შორის მიღება-ჩაბარების აქტის გაფორმებიდან და „მიმწოდებლის“ მიერ კანონმდებლობით განსაზღვრული დოკუმენტის წარმოდგენიდან არა უგვიანეს 10 (ათი) სამუშაო დღის განმავლობაში.

4.3. ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტისა და სასაქონლო ზედნადების საფუძველზე, არაუგვიანეს 10 (ათი) სამუშაო დღის განმავლობაში.

5. საქონლის მიწოდების ვადა, ადგილი და პირობები

5.1. საქონლის მოწოდება ხორციელდება წინამდებარე ხელშეკრულებისა და მის №1 დანართში მითითებული პირობების შესაბამისად;

5.2. მიმწოდებელი ვალდებულია, მიაწოდოს შემსყიდველს ნივთობრივი და უფლებრივი ნაკლისაგან თავისუფალი საქონელი შემდეგი პირობებით:

5.2.1. 2024 წლის სახელმწიფო ბიუჯეტით დამტკიცებული ასიგნებების ფარგლებში გათვალისწინებული რაოდენობის ----- მოწოდება უნდა განხორციელდეს -----;

5.2.2. 2025 წლის სახელმწიფო ბიუჯეტით დამტკიცებული ასიგნებების ფარგლებში გათვალისწინებული რაოდენობის ----- მოწოდება უნდა განხორციელდეს -----;

5.3. შესყიდვის ობიექტი მიწოდებული უნდა იქნეს Incoterms-2020-ის DDP პირობით, შემსყიდველის მიერ მითითებულ მისამართზე.

5.4. მოსაწოდებელი საქონელი შეფუთული უნდა იყოს შესაბამისი ნორმების დაცვით;

5.5. მიმწოდებელი პასუხისმგებელია შემსყიდველის წინაშე საქონლის ნებისმიერი სახის დაზიანების შემთხვევაში, რისთვისაც მან უნდა უზრუნველყოს საქონლის სრული უსაფრთხოება ტრანსპორტირებისას, შესაძლო დაზიანებისა და გაფუჭებისგან;

5.6. საჭიროების შემთხვევაში, მოწოდებულ საქონელს უნდა ერთვოდეს შემდეგი ინფორმაცია: მიმწოდებლის დასახელება და მისამართი, შემსყიდველის დასახელება და მისამართი, მიმღების დასახელება (შემსყიდველის კონტრაქტორი ფარმაცევტული ბაზა), ტვირთის რაოდენობა, საქონლის დასახელება, ინფორმაცია გადატვირთვისას ტვირთის გაფუჭების ან დაზიანების თავიდან ასაცილებლად გასათვალისწინებელი პირობების შესახებ;

5.7. საქონლის ყუთებად დაფასების შემთხვევაში, თითოეული ყუთი უნდა იყოს დანომრილი და მათზე მკაფიოდ უნდა იყოს დატანილი 5.5. პუნქტით განსაზღვრული ინფორმაცია.

6. საქონლის ვარგისიანობის ვადა

ვარგისიანობის ვადა, მოწოდების მომენტიდან უნდა იყოს არანაკლებ ----- თვე.

7. ხელშეკრულების შესრულების კონტროლი

7.1. მიმწოდებლის მიერ ნაკისრი ვალდებულებების შესრულების მიზნით, ხელშეკრულების მიმდინარეობის ნებისმიერ ეტაპზე, შემსყიდველი ახორციელებს კონტროლს;

7.2. ხელშეკრულების მიმდინარეობის კონტროლის მიზანს წარმოადგენს:

7.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;

7.2.2. შესაბამისი კონტროლის აქტის საფუძველზე მიწოდებული საქონლის ხელშეკრულების მოთხოვნებთან და ხელშეკრულების №1 დანართთან შესაბამისობის დადგენა;

7.2.3. ხელშეკრულების პირობების შესაბამისად წარმოდგენილი დოკუმენტების საფუძველზე, მიმწოდებლის მიერ ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება;

7.3. შემსყიდველი უფლებამოსილია, კონტროლი (ხელშეკრულებით განსაზღვრული პირობების შესრულების შემოწმება) განახორციელოს როგორც უფლებამოსილი წარმომადგენლის, ასევე, შემოწმებული ჯგუფის მეშვეობით. უფლებამოსილ წარმომადგენელ(ებ)ს და/ან შემოწმებული ჯგუფის შემადგენლობას განსაზღვრავს შემსყიდველი. შემოწმებული ჯგუფი შეიძლება შედგებოდეს როგორც შემსყიდველის თანამშრომლების, ისე შემსყიდველის მიერ დაქირავებული პირებისაგან;

8. მიღება-ჩაბარების პირობები

8.1. საქონლის მიღება-ჩაბარება ხორციელდება მიღება-ჩაბარების აქტის საფუძველზე, მიმწოდებლის მიერ ფაქტობრივად მოწოდებული საქონლის შესაბამისად;

8.2. იმ შემთხვევაში, თუ მიწოდებული საქონელი შეესაბამება ხელშეკრულების №1 დანართით გათვალისწინებულ მოთხოვნებს, შემსყიდველის უფლებამოსილი პირი, მიღება-ჩაბარების აქტის საფუძველზე, ახორციელებს მიწოდებული საქონლის მიღებას; ფაქტობრივად მიწოდებული საქონლის მიღება-ჩაბარება განხორციელდება შემსყიდველის შემოწმებული პირის ან/და ჯგუფის მიერ შედგენილი კონტროლის აქტის საფუძველზე;

8.3. იმ შემთხვევაში თუ მიწოდებული საქონელი არ შეესაბამება ხელშეკრულების №1 დანართით გათვალისწინებულ მოთხოვნებს და ხელშეკრულების 8.2. პუნქტის შესაბამისად არ განხორციელდა მისი მიღება, მიმწოდებელი ვალდებულია, 5 (ხუთი) კალენდარული დღის ვადაში, უზრუნველყოს გამოვლენილი ხარვეზის აღმოფხვრა საკუთარი ხარჯით. ხარვეზის აღნიშნულ ვადაში აღმოფხვრელობის შემთხვევაში, მიმწოდებელს დაეკისრება პირგასამტეხლო ხელშეკრულების მე-9 მუხლით გათვალისწინებული პირობების შესაბამისად. ამასთან, მიმწოდებელი ვალდებულია, დაუყოვნებლივ დაიბრუნოს წუნდებული საქონელი.

9. ხელშეკრულების პირობების შეუსრულებლობა (პირგასამტეხლო, ფორმა, ოდენობა და გადახდის ვადები)

9.1. ხელშეკრულების დამდები მხარეების მიერ, ხელშეკრულების პირობების სრულად ან ნაწილობრივ შეუსრულებლობის ან/და დაგვიანებით შესრულების შემთხვევაში, თუ აღნიშნულის მიზეზს არ წარმოადგენს ფორს-მაჟორული გარემოება, გამოიყენება პირგასამტეხლო;

9.2. საქონლის მიწოდებისათვის ან/და მიწოდებული საქონლის ხარვეზის/ნაკლის გამოსწორებისათვის ხელშეკრულებით განსაზღვრული ვადების დარღვევისათვის, მიმწოდებელს დაეკისრება პირგასამტეხლო, ყოველ ვადაგადაცილებულ დღეზე (მ.შ., ხარვეზის გამოსწორებლად განსაზღვრული ვადის მიმდინარებისას), შეუსრულებელი ვალდებულების ღირებულების 0,2%-ის ოდენობით;

9.3. იმ შემთხვევაში, თუ მიმწოდებელი უარს იტყვის ხელშეკრულების ან მისი ნაწილის შესრულებაზე ან/და 10 (ათი) კალენდარული დღით გადააცილებს საქონლის მოწოდების, ხარვეზის/ნაკლის გამოსწორებისათვის დადგენილ ვადებს ან/და შესთავაზებს შემსყიდველს შეთანხმებულისაგან განსხვავებულ შესრულების პირობებს, რაც მიუღებელი აღმოჩნდება შემსყიდველისათვის, შემსყიდველს უფლება აქვს, ცალმხრივად შეწყვიტოს ხელშეკრულება და ვადების დარღვევისათვის განსაზღვრულ პირგასამტეხლოსთან ერთად, დამატებით, დააკისროს მიმწოდებელს ხელშეკრულების ღირებულების 10%;

9.4. ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია, შემსყიდველს დააკისროს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის 0,2%-ის ოდენობით;

9.5. პირგასამტეხლოს გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან და ხელშეკრულების პირობების შეუსრულებლობით დამდგარი ზიანის ანაზღაურებისაგან.

9.6. მიმწოდებელი უშუალოდ არის პასუხისმგებელი მესამე პირების წინაშე, წუნდებულ საქონელთან დაკავშირებული ხარჯების გამო.

10. მხარეთა უფლება-მოვალეობანი

10.1. მიმწოდებელი ვალდებულია:

10.1.1. ზედმიწევნით დაიცვას წინამდებარე ხელშეკრულებით გათვალისწინებული პირობები;

10.1.2. ხელშეკრულებით გათვალისწინებული საქონლის მიწოდება განახორციელოს წინამდებარე ხელშეკრულებისა და საქართველოს მოქმედი კანონმდებლობით დადგენილი მოთხოვნების სრული დაცვით, წინააღმდეგ შემთხვევაში, სრული პასუხისმგებლობა ეკისრება მიმწოდებელს;

10.1.3. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10.1.4. საქონლის შემოტანის ეტაპზე იქონიოს მედიკამენტის ხარისხის სერთიფიკატი და მიღება-ჩაბარების ყოველ ეტაპზე წარუდგინოს იგი შემსყიდველს.

10.1.5. მიმწოდებელი ვალდებულია, მედიკამენტის წარმოშობის სერთიფიკატი შეინახოს მედიკამენტის ვარგისიანობის ვადის ამოწურვიდან ერთი წლის განმავლობაში.

10.1.6. მიმწოდებელმა უნდა უზრუნველყოს სამკურნალო საშუალების მოწოდება შესაბამისი ტემპერატურული რეჟიმის მკაცრი დაცვით (ასეთის საჭიროების შემთხვევაში).

10.1.7. ხელშეკრულების მოქმედების ვადის გასვლის მიუხედავად, მიმწოდებელი პასუხს აგებს საქონლის ხარისხის გამო, მისი ვარგისიანობის ვადის ამოწურვამდე, გარდა იმ შემთხვევებისა, თუ ხარისხის გამო საქონლის გაუვარგისეობას ადგილი აქვს შემსყიდველის კონტრაქტორი ფარმაცევტული ზაზის მიზეზით.

10.2. შემსყიდველი ვალდებულია:

10.2.1. ხელშეკრულებით გათვალისწინებული პირობების თანახმად, გადაიხადოს ფაქტობრივად მიწოდებული საქონლის ღირებულება;

10.2.2. შეამოწმოს მიწოდებული საქონლის შესაბამისობა თანხმდებ დოკუმენტაციასთან;

10.2.3. აღმოჩენისთანავე, წერილობით შეატყობინოს მიმწოდებელს, მიღების ან ექსპლუატაციის დროს საქონელზე შემჩნეული ნაკლის თაობაზე.

10.3. მიმწოდებელს უფლება აქვს:

10.3.1. ხელშეკრულების ფარგლებში, მოითხოვოს დროული და სრული დაფინანსება.

10.4. შემსყიდველს უფლება აქვს:

10.4.1. განაცხადოს უარი უხარისხო საქონლის მიღებაზე და/ან მოითხოვოს ამ ხელშეკრულების 10.1.7 პუნქტით გათვალისწინებული პასუხისმგებლობის ფარგლებში, იმ ხარჯების ანაზღაურება, რაც უკავშირდება საქონლის ხარისხის დადგენას,

10.4.2. შეწყვიტოს ხელშეკრულება, თუ მიმწოდებელი 10 კალენდარული დღით გადააცილებს საქონლის მიწოდების ვადას ან/და უარს იტყვის ხელშეკრულების სრულად ან ნაწილობრივ შესრულებაზე და გამოიყენოს მის მიმართ მე-9 მუხლით განსაზღვრული პირგასამტეხლო.

11. ხელშეკრულების პირობების და ფასების გადასინჯვა

11.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შეთანხმების გაფორმების გარეშე;

11.2. თუ რაიმე, წინასწარ გაუთვალისწინებელი მიზეზების გამო, წარმოიშობა ხელშეკრულების პირობების შეცვლის აუცილებლობა, ცვლილებ ინიციატორი ვალდებულია, წერილობით შეატყობინოს მეორე მხარეს შესაბამისი ინფორმაცია;

11.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების საერთო ღირებულების 10%-ზე მეტი ოდენობით გაზრდა;

11.4. ხელშეკრულების პირობების ნებისმიერი ცვლილების თაობაზე მხარეთა უფლებამოსილ წარმომადგენლებს შორის გაფორმებული შეთანხმება ჩაითვლება ხელშეკრულების განუყოფელ ნაწილად.

12. ხელშეკრულების შესრულების გარანტია

12.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, მიმწოდებლის მიერ წარმოდგენილია ხელშეკრულების შესრულების უზრუნველყოფის უპირობო გამოუთხოვადი გარანტია ----- გაცემული 202--- წლის - სს ---- ბანკის“ მიერ, ----- ლარის უზრუნველსაყოფად, მოქმედების ვადა 202 წლის ----- ჩათვლით).

12.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია, ხელშეკრულების შესრულების საბანკო გარანტიის მოქმედების პერიოდში, მიმართოს გარანტიის გამცემ ორგანოს (გარანტს) და განახორციელოს მოთხოვნის დაკმაყოფილება ხელშეკრულების შესრულების საბანკო გარანტიით გათვალისწინებული თანხიდან.

13. ფორს-მაჟორული სიტუაცია

13.1. ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მდელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული;

13.2. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას;

13.3. ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, შესაბამის შემთხვევებში, საჯარო სამართლის კორპორაცია „საქართველოს სავაჭრო სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებინა ფორს-მაჟორული გარემოებების ზეგავლენისაგან;

13.4. იმ შემთხვევაში, თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

14. ხელშეკრულების შეწყვეტა

14.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ;

14.2. ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია, შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი;

14.3 ხელშეკრულების შეწყვეტისას, მხარეს შეუძლია, მოითხოვოს ზიანის ანაზღაურება, რომელიც მას მიადგა მეორე მხარის მიზეზით ხელშეკრულებით ნაკისრი ვალდებულების შეუსრულებლობით;

14.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

14.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, ასევე, შემდეგ შემთხვევებში:

ა) თუ შემსყიდველისათვის ცნობილი გახდა, რომ მიმწოდებლისაგან დამოუკიდებელი მიზეზების გამო, ეს უკანასკნელი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში, მათ შორის, მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

15 დავები და მათი გადაწყვეტის წესი

15.1 მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე;

15.2 შემსყიდველმა და მიმწოდებელმა ყველა ღონე უნდა იხმაროს, რათა მოლაპარაკებების პროცესში, შეთანხმებით მოაგვარონ ხელშეკრულების ირგვლივ წარმოქმნილი ყველა დავა;

15.3 თუ მხარეები ვერ შეძლებენ მოლაპარაკების საფუძველზე გადაწყვეტონ დავა, ნებისმიერ მხარეს შეუძლია, მიმართოს საქართველოს საერთო სასამართლო სისტემას.

16 სხვა პირობები

16.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გადრმავეების სურვილით;

16.2 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას;

16.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია;

16.4 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება;

16.5 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას;

16.6 ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებიან, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით;

16.7 წინამდებარე ხელშეკრულების ფარგლებში მხარეთა შორის ინფორმაციის გაცვლა, შეტყობინების გაგზავნა და ა. შ. შესაძლებელია განხორციელდეს როგორც წერილის გაგზავნით, ისე ელექტრონული ფოსტის მეშვეობით;

16.8 ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არა უგვიანეს დადგენილი ვადის მომდევნო სამუშაო დღეს;

16.9 წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით;

16.10 ხელშეკრულება შედგენილია ქართულ ენაზე, 1 (ერთი) ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერ მხარეებთან.

17 ხელშეკრულების მოქმედების ვადა

ხელშეკრულება ძალაშია ხელმოწერის დღიდან და მოქმედებს 2026 წლის 31 იანვრის ჩათვლით.

„შემსყიდველი“

სსიპ „ჯანმრთელობის ეროვნული სააგენტო“

„მიმწოდებელი“